

Buchjeföhl

Text: Robert Pütz Musik: Jürgen Fritz

De Wissenschaft hät erusjefunge
Jeföhle kumme vun janz unge
Vum Buch huh en de Bir
Ävver nit bei mir
Ich ben eine Minsch met Buchjeföhl
Ich föhle nit mem Kopp
Dat es noch immer jootjejange
Un ich verloss mich drop

Ich föhl met mingem Buch
Dröm es dä och jet deck
Do sin su vill Jeföhle dren
Un drömeröm jet Speck
Met mingem Buch
Do komm ich janz jot us
Do sin nit nur Jeföhle dren
Do kütt och Musik erus

Ich han ob Reis jän Abenteuer
E bessje Stress mät mir nix us
Doch wenn der Buch dojäen es
Blieven ich ze Huss
Ob minge Buch do es Verloss
Un weed et richtich wichtig
Hür ich op mi Buchjeföhl
Do lijje ich miestens richtich

Ich föhl met mingem Buch
Dröm es dä och jet deck
Do sin su vill Jeföhle dren
Un drömeröm jet Speck
Met mingem Buch
Do komm ich janz jot us
Do sin nit nur Jeföhle dren
Do kütt och Musik erus

SOLO

Et es noch immer jootjejange
Mem Buchjeföhlzejoderletz
Han ich die richtige Tön jefunge
Jäjen d'r Kopp un für et Hätz

Ich föhl met mingem Buch
Dröm es dä och jet deck
Do sin su vill Jeföhle dren
Un drömeröm jet Speck
Met mingem Buch
Do komm ich janz jot us
Do sin nit nur Jeföhle dren
Do kütt och Musik erus.